

нения⁵² по сту и множае, и вставая рано по вся утра, также⁵³ творяше и с мужем своим.

Егда же мужу ея на царских⁵⁴ службах бывающу лето или два, иногда же по три лета во Астарахани,⁵⁵ она же в та времена по вся нощи без сна пребываше,⁵⁶ в молбах и в рукоделии, в прядиве и в пляличном деле. И то продав, нищим цену даяше и на церковное строение; многу же милостыню отаи творяше в нощи, в день же домовное строение правяше. Вдовами и сироты,⁵⁷ аки истовая мать,⁵⁸ печашеся, своима⁵⁹ руками⁶⁰ омывая,⁶¹ и кормя, и напаяа. Рабы же и рабыни⁶² удовляше пищею и одеждою, и дело по силе налагаше,⁶³ и никого⁶⁴ простым именем назваше,⁶⁵ и не требоваше воды ей на омовение⁶⁶ рук подающаго,⁶⁷ ни сапог разрешающаго,⁶⁸ но все сама собою творяше. А неразумныя рабы и рабыни⁶⁹ смирением и кротостию наказуя, и исправляше, и на⁷⁰ ся⁷¹ вину возлагаше;⁷² и никого⁷³ не оклеветаше, но всю надежду на бога и на пречистую богородицу⁷⁴ возлагаше и великого чудотворца Николу на помощь призываше, от него же помощь приимаше.

Во едину же нощь, востав по обычаю на молитву, без мужа. Беси же страх и ужас велик напушаху ей; она же, млада⁷⁵ еще и неискусна, тому⁷⁶ убояся и ляже⁷⁷ на постели и усну крепко. И виде⁷⁸ многи бесы, прешедшие⁷⁹ же на ню со оружием, хотяше ю убити, рекуще: „Аще не престанешь от⁸⁰ таковаго начинания, абие погубим тя!“ Она же помолися богу и пречистой⁸¹ Богородице,⁸² и святому Николе чудотворцу.⁸³ И явися ей святой Никола, держа книгу велику, и разгна бесы, яко дым бо исчезоша, и воздвиг десницу свою и благослови ю, глаголя: „Дщи моя, мужайся и крепися, и не бойся бесовскаго прещения.⁸⁴ Христос бо мне повеле тебе⁸⁵ соблюдать от бесов и злых человек!“ Она же абие от сна возбнув и увиде⁸⁶ яве мужа свята⁸⁷ из хранины дверми изшедша скоро, аки молнию. И востав скоро, иде во след его,⁸⁸ и абие невидим бысть: но и притвор хранины тоя крепко заперт бяше. Она же оттоле извещение приемши, возрадояся, славя бога, и паче перваго добрых дел прилежаше.⁸⁹

Помале же божию гневу русскую землю постигшу за грехи наши;⁹⁰ гладу велику зело бывшу, и мнози от глада того помираху. Она же многу милостыню⁹¹ отаи творяше, взимаше пищу⁹² у свекрови на утренее и на польденное⁹³ ядение, и то⁹⁴ все нищим гладным даяше. Свекры же глагола⁹⁵ ей: „Како⁹⁶ ты свой нрав премени, егда бе⁹⁷ хлебу⁹⁸

52 Г коленоупреклонением 53 Г также 54 АГ мирских 55 Г Астрахани
 56 Б пребывающаи 57 Г сиротами 58 Г матери 59—60 БВ своими руками 61 Г омываяй
 62 А рабыня 63 Б полагаше 64 Г. доб. же 65 АГ не зваше 66 Г умовение
 67 А подающейей; Г подающих 68 А разрешающе; Г разрешающих 69 А рабыня
 70—71 Г на себе 72 Б отлагаше 73 Г доб. же 74 А нет; Г его мать
 75 Г доб. сущи 76 АБ так 77 В доб. спати 78 Б увиде 79 Г прешедше
 80 Б нет 81 Г пречистой 82 А нет 83 АБ нет 84 Г коварства 85 АГ тя
 86 Г виде 87 Б нет 88 Б ея 89 АГ прилежа 90 АГ наша 91 А милость
 92 Г нет 93 Г полуденное 94 АБ нет 95 АГ глаголаше 96 В как 97 Г нет
 98 Б Христа бога